

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

ԱՐՁԱՆԱԳՐՈՒԹՅՈՒՆ թիվ 14-2022

Հարկ վճարողի գույքի վրա արգելանք դնող պաշտոնատար անձի՝ իր իրավասությունների սահմաններում գործողությունների կատարմանը խոչընդոտելու վերաբերյալ

ՀՀ պետական եկամուտների կոմիտեի իրավաբանական վարչության հարկադիր գանձման և պարտավորությունների կատարման ապահովման բաժնի գլխավոր մասնագետ Հրաչ Մուրադյանս, ղեկավարվելով ՀՀ հարկային օրենսգրքի 431-րդ հոդվածի 12-րդ մասով, կազմեցի սույն արձանագրությունը հետևյալի մասին.

Հիմք ընդունելով ՀՀ պետական եկամուտների կոմիտեի նախագահի 26.10.2021թ-ի թիվ ԱՀ 71234 հանձնարարագրի հիման վրա «ԴԻԱՆԱ-91» ՍՊԸ-ին /ՀՎՀՀ՝ 01517561/ պատկանող բանկային հաշիվներում առկա դրամական միջոցների վրա արգելանք կիրառելու մասին 28.09.2021թ-ին կայացված թիվ 71234 որոշումը, դրամարկղում առկա կանխիկ դրամական միջոցների վրա արգելանք կիրառելու մասին 09.11.2021թ-ին կայացված թիվ 71234/1 որոշումը և արգելանքի ենթակա այլ գույքերի վրա արգելանք կիրառելու մասին 09.11.2021թ-ին կայացված թիվ 71234/2 որոշումը, ղեկավարվելով ՀՀ հարկային օրենսգրքի 434-րդ և 435-րդ հոդվածների 2-րդ մասերով, «ԴԻԱՆԱ-91» ՍՊԸ-ի /ՀՎՀՀ՝ 01517561/ դրամարկղում առկա կանխիկ դրամական միջոցների և այլ գույքի գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության նպատակով ուղարկվել է գրություն:

15.11.2021թ-ին փոստային ծառայության միջոցով «ԴԻԱՆԱ-91» ՍՊԸ-ի /ՀՎՀՀ՝ 01517561/ տնօրեն Անդրանիկ Աբովյանին է ուղարկվել գրությունը, որով առաջարկվել է գրությունը ստանալուց հետո եռօրյա ժամկետում ընկերության դրամարկղային գրքով ներկայանալ ՀՀ պետական եկամուտների կոմիտեի իրավաբանական վարչություն՝ հարկ վճարողի դրամարկղում առկա կանխիկ դրամական միջոցների և այլ գույքի գույքագրման և ի պահ հանձնման, ինչպես նաև մուտքագրված և ելքագրված դրամական միջոցների շարժի ուսումնասիրության աշխատանքների կազմակերպման նպատակով: Միաժամանակ նույն գրությամբ տեղեկացվել է Օրենսգրքի 431-րդ հոդվածի 12-րդ մասով սահմանված՝ հարկ վճարողի գույքի վրա արգելանք դնող պաշտոնատար անձի, իր իրավասությունների սահմաններում գործողությունների կատարմանը խոչընդոտելու դեպքում Վարչական իրավախախտումների վերաբերյալ ՀՀ օրենսգրքով սահմանված կարգով խոչընդոտման փաստի արձանագրման վերաբերյալ:

07.12.2021թ-ին «ԴԻԱՆԱ-91» ՍՊԸ-ի /ՀՎՀՀ՝ 01517561/ տնօրեն Անդրանիկ Աբովյանը ստացել է 15.11.2021թ-ի գրությունը, սակայն չի ներկայացրել հարկային մարմին, չի ներկայացրել դրամարկղային գիրքը և չի ներկայացրել որևէ բացատրություն:

Արդյունքում «ԴԻԱՆԱ-91» ՍՊԸ-ի /ՀՎՀՀ՝ 01517561/ տնօրեն Անդրանիկ Աբովյանի կողմից թույլ է տրվել արարք, որը համապատասխանում է Վարչական իրավախախտումների վերաբերյալ ՀՀ օրենսգրքի 182.6-րդ հոդվածի հատկանիշներին:

Արձանագրությունը կազմեց
ՀՀ ՊԵԿ իրավաբանական վարչության
հարկադիր գանձման և պարտավորությունների
կատարման ապահովման բաժնի գլխավոր մասնագետ



Հրաչ Մուրադյան